

Službene novine Federacije BiH, broj 97/07

Na osnovu člana 35. stav 3. Zakona o zdravstvenom osiguranju ("Službene novine Federacije BiH", broj 30/97 i 7/02), Vlada Federacije Bosne i Hercegovine, na 40. sjednici, održanoj 27. decembra 2007. godine, donijela je

ODLUKU

O IZMJENAMA I DOPUNAMA ODLUKE O UTVRĐIVANJU PRIORITETNIH VERTIKALNIH PROGRAMA ZDRAVSTVENE ZAŠTITE OD INTERESA ZA FEDERACIJU BOSNE I HERCEGOVINE I PRIORITETNIH NAJSLOŽENIJIH OBLIKA ZDRAVSTVENE ZAŠTITE IZ ODREĐENIH SPECIJALISTIČKIH DJELATNOSTI KOJI ĆE SE PRUŽATI OSIGURANIM LICIMA NA TERITORIJI FEDERACIJE BOSNE I HERCEGOVINE

I.

U Odluci o utvrđivanju prioriteta vertikalnih programa zdravstvene zaštite od interesa za Federaciju Bosne i Hercegovine i prioriteta najslabijih oblika zdravstvene zaštite iz određenih specijalističkih djelatnosti koji će se pružati osiguranim licima na teritoriji Federacije Bosne i Hercegovine ("Službene novine Federacije BiH", br. 8/05, 11/07 i 44/07 - u daljnjem tekstu: Odluka), u tački III pod f) "Preventivni programi i programi unapređenja zdravlja djece", u stavu 2. alineja 4. mijenja se i glasi:

"- Nabavka traka i aparata za kontrolu dijabetesa."

U tački pod g) "Učestvovanje u sufinansiranju nabavke lijekova za liječenje hemofilije, hepatitisa C i multiple skleroze", u potpoglavlju "Hemofilija", dodaju se novi st. 3. i 4., koji glase:

"Korištenje rekombinantnog faktora koagulacije VIII obezbjeđuje se kod novootkrivenih slučajeva oboljenja - hemofilije kod djece uzrasta do 15 godina i starijih maloljetnika do navršanih 18 godina.

Pravo na korištenje humanog imunoglobulina ostvaruju:

- osigurana lica u Federaciji - djeca uzrasta do navršanih 15 godina i stariji maloljetnici do navršanih 18 godina, sa urođenim ili stečenim imunodeficitarnim stanjem, na osnovu dijagnoze postavljene od strane kliničke zdravstvene ustanove u Federaciji i mišljenja konzilija iste ustanove o neophodnosti primjene lijeka, u propisanoj dozi i količini;

- osigurana lica starija od 18 godina, sa urođenim imunodeficitarnim stanjem, na osnovu dijagnoze kliničke zdravstvene ustanove u Federaciji i mišljenja konzilija iste ustanove, o neophodnosti primjene lijeka, u visini 50% od propisane doze i količine;

- osigurana lica starija od 18 godina sa stečenim imunodeficitarnim stanjem, nastalim kao posljedica hronične mijeloidne i hronične limfatične leukemije, kao i trudnice oboljele od multiple skleroze, na osnovu dijagnoze kliničke zdravstvene ustanove u Federaciji i mišljenja konzilija iste ustanove, o neophodnosti primjene lijeka, u visini 50% propisane doze i količine."

II.

U tački IV 1. "Kardiologija i kardiohirurgija" pod 1.1. - "Invazivna i interventna kardiologija", u podtački 1.1.3., iza riječi "stenta" zarez se zamjenjuje tačkom i dodaju riječi:

"Pravo na ugradnju lijekom obloženog koronarnog stenta ostvaruju, na osnovu mišljenja konzilija kliničke zdravstvene ustanove u Federaciji, osigurana lica prema slijedećim indikacijama:

- proksimalne lezije i lezije preko 2 cm,
- restenoze
- dijabetes (inzulin ovisni).

Broj ugrađenih, lijekom obloženih koronarnih stentova, može iznositi najviše do 20% od ukupno ugrađenih stentova".

Iza podtačke 1.1.4. Elektrofiziologija (elektrokonverzija, elektroablacija i hisogram), dodaju se nove podtačke 1.1.5., 1.1.6, 1.1.7. i 1.1.8, koje glase:

"1.1.5. Koronarografija sa balon dilatacijom.

1.1.6. Zatvaranje arterijskog septalnog defekta (ASD okluder)

1.1.7. Zatvaranje ventrikularnog septalnog defekta (VSD okluder)

1.1.8. Pace-maker trajni za djecu i omladinu do 18 godina. "

U tački 2. "Operativni kardiohirurški zahvati odraslih", iza tačke "2.13. Tumor srca (mixom)", dodaju se nove tač. 2.14, 2.15. i 2.16, koje glase:

" 2.14. Operacija karotidnih arterija,

2 15. Ugradnja by-passa sa operacijom karotidnih arterija,

2.16. Hirurgija torakalne aorte

a. Ty-David operacija

b. Suprakoronarna resekcija ascendentne aorte sa zamjenom zaliska

c. Suprakoronarna resekcija aorte bez zamjene zaliska

d. Aneurizma descendentne aorte

e. Disekcija ascendentne aorte

f. Disekcija descendentne aorte

g. Zamjena ascendentne aorte i aortnog luka

h. Koarktacija aorte."

U tački IV pod 3. naziv: "3. Operativni zahvati kongenitalnih srčanih mana kod djece", mijenja se i glasi:

" 3. Operacije urođenih srčanih mana"

i dodaju nove podtačke 3.1. do 3.9, koje glase:

"3.1. Grupa 1: Perzistentni ductus arteriozus

3.2. Grupa 2: Atrio-septalni sekundum defekt (svi tipovi), atrio-septalni primum defekt, (ASD I), ASD I plus mitralna insuficijencija, ventrikularni septalni defekt (VSD), perimembranozni, subpulmonalni inflow, plućna valvularna stenoza, aortna stenoza (AS) djeteta starijeg od 1 godine, aortna stenoza subvalvularna djeteta starijeg od 1 godine, aortna stenoza supraavlulama, zajednički atrium, BTM-sistemska plućni šant

3.3. Grupa 3: Tetralogija Fallot (TF), VSD+AS, VSD+PS, VCD+CoA, ASD+anomalni plućni venski utok, AS djeteta do godinu dana, koronarna fistula,

3.4. Grupa 4: Kompletni atrio-ventrikularni defekt, rekonstrukcija TF sa konduitom, duploizlazna desna komora, multipli VSD, transpozicija velikih krvnih sudova, AS djeteta mlađeg od 12 mjeseci, mitralna stenoza (MS) ili insuficijencija (MI) djeteta starijeg od 1 godine, trikuspidna valvulopatija, atrijalna septektomija, bidirekcion Glenn

3.5. Grupa 5: Operacija po Switch, Mustard, Senning

3.6. Grupa 6: plućna atrezija (PA)+(VSD)+rekonstrukcija sa konduitom, PA+IVS (uvećanje PA), centralni šant-unifokalizacija, MI+MS djeteta mlađeg od jedne godine, totalni anomalni plućni utok djeteta starijeg od mjesec dana, aorto-plućni prozor, triatrialno srce, sve reoperacije

3.7. Grupa 7: Fontanova operacija, septacija komora, Glenn-šant+ekstra operacija, Switch operacija+ekstra operacija, Tausing-Bing anomalija, totalni anomalni utok plućnih vena djeteta mlađeg od jednog mjeseca, Rastelijeva operacija, rekonstrukcija aortnog korijena (Konno, Ross) trunkus arteriozus, prekinuti luk sam ili udružen sa drugim operacijama, AVSD+TF

3.8. Grupa 8: Prematurusi manji od 2500 g (operacija na otvorenom srcu), totalni anomalni plućni utok udružen sa ostalim teškim anomalijama, AS+hipoplazija lijeve komore, hipoplastično lijevo srce,

3.9. Grupa 9: Urođene srčane mane kod odraslih."

III.

Ova Odluka stupa na snagu narednog dana od dana objavljivanja u "Službenim novinama Federacije BiH", a primjenjivat će se od 1. 1. 2008. godine.

V broj 979/07
27. decembra 2007. godine
Sarajevo

Premijer
dr. **Nedžad Branković**, s. r.